

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 28., stav 1. i članom 45. Zakona o izvršenju Budžeta Zeničko-dobojskog kantona za 2017. godinu, („Službene novine Zeničko-dobojskog kantona“, broj: 15/16, 8/17), na prijedlog Ministarstva za privredu, Vlada Zeničko-dobojskog kantona, na 106. sjednici, održanoj dana 15.08.2017. godine, d o n o s i

## **ZAKLJUČAK**

### **O USVAJANJU PROGRAMA UTROŠKA BUDŽETSKIH SREDSTVA U 2017. GODINI**

#### **(Subvencije privatnim preduzećima i poduzetnicima)**

#### **I.**

Usvaja se Program utroška budžetskih sredstava u 2017. godini - Subvencije privatnim preduzećima i poduzetnicima, Ministarstva za privredu Zeničko-dobojskog kantona, u iznosu od 1.380.000,00 KM (slovima: miliontristotineosamdesethiljada konvertibilnih maraka), koji čini sastavni dio ovog zaključka.

#### **II.**

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

#### **III.**

Ovim zaključkom stavlja se van snage Zaključak o usvajanju Programa utroška budžetskih sredstava u 2017. godini - Subvencije privatnim preduzećima i poduzetnicima, broj: 02-14-10103/17 od 03.07.2017. godine, čiji je sastavni dio Program utroška budžetskih sredstava u 2017. godini - Subvencije privatnim preduzećima i poduzetnicima.

#### **IV.**

Zaključak stupa na snagu danom donošenja.

Broj: 02-\_\_\_\_\_/17.  
Datum, 15.08.2017. godine  
Z e n i c a

**P R E M I J E R**

*Miralem Galijašević*

DOSTAVLJENO:

1x Ministarstvo za privredu,  
1x Ministarstvo finansija,  
1x a/a.



**PROGRAM**  
**UTROŠKA BUDŽETSKIH SREDSTAVA U 2017. GODINI -**  
**(Subvencije privatnim preduzećima i poduzetnicima)**

**PROGRAM**  
**UTROŠKA BUDŽETSKIH SREDSTAVA U 2017. GODINI -**  
**(Subvencije privatnim preduzećima i poduzetnicima)**

**I. UVOD**

Pravni osnov za donošenje Programa utroška budžetskih sredstava u 2017. godini – Subvencije privatnim preduzećima i poduzetnicima nalazi se u članu 28., stav 1. i članu 45., stav 1., Zakona o izvršavanju budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16).

Ovaj program usaglašen je sa Strategijom razvoja Zeničko-dobojskog kantona za period 2016-2020 godina, te sa nadležnostima Ministarstva za privredu.

**II. IZVOR FINANSIRANJA**

Budžetom Zeničko-dobojskog kantona za 2017. godinu, („Službene novine Zeničko-dobojskog kantona“, broj: 15/16), utvrđena su finansijska sredstva, ekonomski kod 614500 – Subvencije privatnim preduzećima i poduzetnicima u iznosu od **1.380.000,00 KM**.

**III. ALOKACIJA SREDSTAVA**

Imajući u vidu raspoloživa sredstva, te obaveze koje proizilaze iz Programa rada Ministarstva za privredu i Programa rada Vlade Zeničko-dobojskog kantona, Ministarstvo za privredu je planiralo utrošak utvrđenih sredstava, na sljedeći način:

**1. RAZVIJANJE POSLOVNO-PREDUZETNIČKE INFRASTRUKTURE**

**UKUPAN IZNOS: 20.000,00 KM**

**Indikatori:** Broj poduzetničkih inkubatora; broj biznisa unutar inkubatora; % biznisa koji je postao samoodrživ i broj centara; djelokrug rada centara; način podrške malih i srednjih preduzeća (MSP) i potencijalnih poduzetnika; broj usluga; ocjena njihovog rada od strane korisnika usluga.

**Nosilac:** Sektor za industriju, energetiku i rudarstvo i Sektor za neproizvodne djelatnosti, razvoj i obrt

**Svrha:**

Svrha ovog programa, kao prioritetnog cilja, je osmišljeno razviti poslovno-preduzetničku infrastrukturu kao temelj razvoja konkurentne ekonomije i preduzetništva:

1. Ustroj optimizirane mreže preduzetničkih inkubatora unutar Kantona
2. Ustroj optimizirane mreže centara za podršku start-up, mikro i malim biznisima
3. Jačanje kapaciteta kantonalnih poslovno-preduzetničkih infrastrukturnih institucija

Budući da unutar Kantona već postoji određen broj preduzetničkih inkubatora, bazni projekat trebao bi da bude prijedlog optimiziranog plana preduzetničkih inkubatora unutar Kantona (lokacija svakog inkubatora, djelokrug rada, detaljan plan uključujući i budžet). Nakon toga trebalo bi pristupiti ustroju novih inkubatora (svaki inkubator zaseban projekat) uz proaktivno učešće svih nosilaca.

Druga aktivnost bi se realizirala kroz set međusobno koordiniranih projekata. Bazni projekat: utvrđivanje optimalnog broja centara, stepena pokrivenosti Kantona, pozicioniranje i djelokruga njihovog rada na opštinskoj razini.

**Indikatori:** Broj poduzetničkih inkubatora; broj biznisa unutar inkubatora; % biznisa koji je postao samoodrživ i broj centara; djelokrug rada centara; način podrške malih i srednjih preduzeća (MSP) i potencijalnih poduzetnika; broj usluga; ocjena njihovog rada od strane korisnika usluga.

**Organizacija – primalac:** Općine

**Kriterij:** Po Odluci Vlade Kantona

## **2. PROMOCIJA PODUZETNIŠTVA I PODUZETNIČKE KULTURE**

**UKUPAN IZNOS: 110.000,00 KM**

**Indikatori:** Način promocije; broj MSP u kantonalnom bruto društvenom proizvodu (BDP); godišnji prirast biznisa

**Nosilac:** Sektor za industriju, energetiku i rudarstvo i Sektor za neproizvodne djelatnosti, razvoj i obrt

### ***2.1. Program finansiranja manifestacija, izdavačkih projekata i edukacije***

**Iznos: 10.000,00 KM**

**Svrha:**

Podrška razvoju i zapošljavanju je višestruko kompleksan proces. Jedan od segmenata je i isticanje i promoviranje uspješnih menadžera, programa, investicija i slično.

Podsticanje poduzetništva je moguće i kroz izdavačke poduhvate. Na ovaj način se u raznim pisanim i drugim oblicima poduzetnicima saopštavaju značajne informacije za pripremu i realizaciju poduzetničkih ideja.

Usporeni razvoj Bosne i Hercegovine uticao je na mnoge tokove, a posebno privredne.

Stoga je od posebnog značaja uspostaviti sistem edukacije privrednika i ostalih učesnika u procesima obnove i razvoja.

Ovaj program omogućava finansiranje organiziranja seminara, naučno-stručnih skupova, te drugih vidova sticanja znanja od interesa za privredu i zapošljavanje.

**Organizacija-primalac:** Organizatori manifestacija, izdavačkih projekata i edukacija

**Kriteriji:** Pojedinačne Odluke Vlade Kantona

### ***2.2. Podrška poduzetništvu za promociju i nastupe na sajmovima***

**Iznos: 40.000,00 KM**

**Svrha:**

Gubitak tržišta i osvajanje novih tržišta, te povratak povjerenja kupaca za mnoge privredne subjekte predstavlja jedan od najvećih problema.

Bez osmišljene promocije teško je očekivati povratak na izgubljena tržišta, kao i osvajanje novih. Zbog nedostatka resursa mnogi privredni subjekti nisu u mogućnosti da obezbjede marketinške aktivnosti.

Stoga je bitno, kao i do sada, realizirati ovaj Program i pokušati barem djelimično sufinansirati ovu vrlo značajnu djelatnost, kao što su sajmovi ZEPS. U takvim nastojanjima Ministarstvo će nastaviti obogaćivanje i izradu promotivnih publikacija.

**Organizacija-primalac:** Asocijacije privrednika, organizatori sajmova

**Kriteriji:** Prema konkretnim programima asocijacije privrednika i Odlukama Vlade Kantona

### ***2.3. Program afirmacije domaće proizvodnje i kupoprodaje i turizma***

**Iznos: 10.000,00 KM**

**Svrha:**

Budući da privreda Zeničko-dobojskog kantona ima respektabilna poslovna iskustva sa ino-privredom, takva tradicija je nastavljena. U posljednjih nekoliko godina pokrivenost uvoza izvozom u Zeničko-dobojskom kantonu je iznad 95%. Međutim, struktura izvoza, odnosno uvoza je nepovoljna, što stvara uslove za agresivan nastup ino-kompanija na našem tržištu. Nakon okončanja procesa privatizacija privrednih subjekata u oblasti trgovine, a posebno poslije dolaska u Bosnu i Hercegovinu velikih trgovačkih lanaca, bh-potrošač je suočen sa ino-ponudom i agresivnim

marketing kampanjama, pri čemu su domaći proizvođači i potrošači pod neprekidnim pritiskom. U ovoj borbi za potrošača koriste se razna sredstva.

Imajući u vidu prethodno, Ministarstvo za privredu ima namjeru realizirati programe afirmacije domaće proizvodnje. Bitno je napomenuti da se realizacija ovog projekta dešava u trenutku liberalizacije trgovinskih odnosa sa zemljama u okruženju što uvećava njegov značaj. Ovaj program je u uskoj vezi sa politikom subvencioniranja uvođenja međunarodnih standarda za kvalitet. Očekivani efekti ovog programa su povećana tražnja za domaćim proizvodom, zapošljavanje, i ostalo.

**Organizacija – primalac:** Tehnički organizator

**Kriteriji:** Javni poziv, Odluke Vlade Kantona

#### ***2.4. Subvencioniranje projekata komora i udruženja iz područja privrede***

**Iznos: 50.000,00 KM**

##### **Svrha:**

U cilju intenziviranja aktivnosti komora i udruženja, naročito njihovog djelovanja na područje proizvodnih djelatnosti, a samim tim i uticaj na zapošljavanje i razvoj Zeničko-dobojskog kantona, Vlada Kantona će subvencionirati dio troškova realizacije projekata iz programa rada ovih organizacija, kao što su:

- priprema i organizacija edukacije poduzetnika,
- priprema i izrada kolektivnih promotivnih materijala,
- priprema i organizacija kolektivnih nastupa na sajmovima u BiH i
- organizacija sajмова u ZDK.

Pravo na dodjelu sredstava poticaja za realizaciju projekata naprijed navedenih imaju komore i udruženja koja su registrovana na kantonalnom nivou prema:

- Zakonu o privrednim komorama u Federaciji BiH (»Službene novine Federacije BiH«, broj: 35/98, 34/03).
- Zakonu o obrtu i srodnim djelatnostima („Službene novine Federacije BiH“, broj: 35/09 i 42/11);
- Zakonu o udruženjima i fondacijama ("Službene novine Federacije BiH", broj: 45/02), čije dominantne aktivnosti su vezane za djelatnosti iz nadležnosti Ministarstva za privredu Zeničko-dobojskog kantona.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu podsticajnih sredstava i na oficijelnoj web stranici Kantona.

**Organizacija-primalac:** Komore i udruženja iz područja privrede

**Kriteriji:** Uputstvo o postupku i kriterijima – prema Javnom pozivu i Odlukama Vlade Kantona.

### **3. SISTEM POTICAJA ZA START-UP BIZNISE**

**UKUPAN IZNOS: 360.000,00 KM**

**Indikatori:** Broj privrednih subjekata; broj uposlenih.

**Nosilac:** Sektor za industriju, energetiku i rudarstvo i Sektor za neproizvodne djelatnosti, razvoj i obrt

#### ***3.1. Subvencioniranje administrativnih troškova kod izgradnje proizvodnih objekata***

**Iznos: 250.000,00 KM**

##### **Svrha:**

Sredstva za subvencioniranje administrativnih troškova proizvodnih investicija (izgradnja proizvodnih objekata) obezbjeđuju se Budžetom Zeničko-dobojskog kantona i planiraju Programom utroška sredstava u Ministarstvu privrede, za tekuću godinu u kojoj se vrši dodjela poticaja, te odgovarajućom odlukom koja na godišnjem nivou regulira pitanje obezbjeđenja sredstava i za tu godinu važećih, kriterija i načina realizacije transfera.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu podsticajnih sredstava i na oficijelnoj web stranici Kantona.

U cilju intenziviranja investicija u područje proizvodnih djelatnosti, a samim tim zapošljavanja i razvoja, Vlada Kantona će subvencionirati dio slijedećih troškova investitora:

1. Naknade za građevinsko zemljište,
2. Naknade za pretvaranje poljoprivrednog u građevinsko zemljište,
3. Priključne takse (vodosnabdijevanje, električna energija, grijanje, plin, telefon i dr.),
4. Administrativne, sudske i druge takse, i
5. Naknade za rad komisija.

Kriteriji i procedure za prihvatanje određenog projekta investitora detaljno su obrađeni u Uputstvu o postupku i kriterijima za odobravanje i dodjelu (refundaciju) sredstava poticaja namijenjenih subvencioniranju administrativnih troškova kod izgradnje proizvodnih objekata, na koje Vlada Zeničko-dobojskog kantona daje saglasnost.

Relevantni propisi na osnovu kojih se zasniva ovaj dio transfera su:

- Uputstvo o postupku i kriterij za odobravanje (refundaciju) sredstava poticaja namijenjenih subvencioniranju administrativnih troškova kod izgradnje proizvodnih objekata, na koje Vlada Zeničko-dobojskog kantona daje saglasnost.
- Odluka o dodjeli poticaja, koju donosi Vlada Kantona.

**Organizacija – primalac:** Proizvodni privredni subjekti.

**Kriteriji:** Uputstvo o postupku i kriterijima – prema Javnom pozivu i Odlukama Vlade Kantona.

### ***3.2. Subvencioniranje troškova realizacije patenta inovatora sa područja Zeničko-dobojskog kantona***

***Iznos: 10.000,00 KM***

#### **Svrha:**

Na području Zeničko-dobojskog kantona djeluje više inovatora. Oni su organizirani u udruženjima, a na nivou BiH u Asocijaciji inovatora BiH

Najveći problem sa kojim se inovatori susreću je implementacija izuma odnosno patenata. Patent je pravo kojim se štiti pronalazak iz bilo kojeg područja tehnike, pod uslovom da je nov, da ima inovativni nivo i da se može industrijski primijeniti.

Korisnici poticaja će biti nosioci rješenja o dodjeli patenta sa prebivalištem na području Zeničko-dobojskog kantona. Kriteriji i procedure za prihvatanje određenog projekta investitora detaljno su obrađeni u Uputstvu o postupku i kriterijima za odobravanje i dodjelu (refundaciju) sredstava poticaja namijenjenih subvencioniranju troškova realizacije patenata inovatora sa područja Zeničko-dobojskog kantona.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu poticajnih sredstava i na oficijelnoj web stranici Kantona. Inovatoru će se, nakon uredno dostavljenog Zahtjeva i provedene procedure odlučivanja odobriti nepovratna sredstva za najviše tri patenta.

Relevantni propisi na osnovu kojih se zasniva ovaj dio transfera:

- Zakon o intelektualnom vlasništvu BiH („Službeni glasnik BiH“, broj: 3/02),
- Uputstvo o postupku i kriterijima za odobravanje i dodjelu sredstava poticaja namijenjenih subvencioniranju troškova realizacije patenata inovatora sa područja Zeničko-dobojskog kantona, na koje Vlada Zeničko-dobojskog kantona daje saglasnost.
- Odluka Vlade Kantona o dodjeli poticaja po svakom Zahtjevu pojedinačno.

**Organizacija – primalac:** Nosilac Rješenja o dodjeli patenta

**Kriterij:** Uputstvo o postupku i kriterijima – prema Javnom pozivu i Odlukama Vlade Kantona.

### **3.3. Subvencioniranje administrativnih troškova i investicija kod obrta**

**Iznos: 50.000,00 KM**

**Indikatori:** Vrste poticaja; broj dodjeljenih poticaja; utrošena sredstva; efekti.

**Nosilac:** Sektor za industriju, energetiku i rudarstvo i Sektor za neproizvodne djelatnosti, razvoj i obrt

**Svrha:**

Planirana sredstva će se koristiti za subvencioniranje investicija kod obrta iz područja prerađivačkih djelatnosti. U cilju intenziviranja investicija u proizvodne obrtničke djelatnosti i smanjenja administrativnih troškova, a samim tim povećanja zapošljavanja i razvoja, Vlada Kantona će pojedinačno subvencionirati dio troškova za:

1. Pripremu i izgradnju objekta za obavljanje djelatnosti,
2. Nabavku objekta opreme i mašina (stalna sredstva) za obavljanje djelatnosti,
3. Poticanje mladih obrtnika (do 35. godina) i
4. Poticaj tradicionalnih zanata.

Kriteriji i procedure za prihvatanje određenog projekta investitora detaljno su obrađeni u Uputstvu o postupku i kriterijima za odobravanje i dodjelu (refundaciju) sredstava poticaja namjenjenih subvencioniranju investicija kod obrta iz područja prerađivačkih djelatnosti, prema Uredbi o zaštiti tradicionalnih i starih zanata.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu poticajnih sredstava i na oficijelnoj web stranici Kantona.

Relevantni propisi na osnovu kojih se zasniva ovaj dio transfera su:

- Uputstvo o postupcima i kriterijima za odobravanje i dodjelu sredstava poticaja namjenjenih subvencioniranju investicija kod obrta iz područja prerađivačkih djelatnosti, prema Uredbi o zaštiti tradicionalnih i starih zanata, na koje Vlada Zeničko-dobojskog kantona daje saglasnost.
- Odluka Vlade Kantona o dodjeli poticaja po svakom Zahtjevu pojedinačno.

**Organizacija – primalac:** Obrtnici

**Kriteriji:** Uputstvo o postupku i kriterijima – prema Javnom pozivu i Odlukama Vlade Kantona.

### **3.4. Subvencioniranje administrativnih troškova kod pokretanja poslovnih ideja i registracije privrednih subjekata**

**Iznos: 50.000,00 KM**

**Svrha:**

U cilju intenziviranja realizacije poslovnih ideja u području proizvodnih djelatnosti, te smanjenja troškova administriranja pri izradi biznis plana, registraciji privrednog subjekta, kao i troškova doprinosa za direktora privrednog subjekta, Vlada Kantona će subvencionirati troškove za odabrane projekte.

Kriteriji i procedure za prihvatanje određenog projekta investitora detaljno su obrađeni u Uputstvu o postupku i kriterijima za odobravanje i dodjelu sredstava poticaja namjenjenih subvencioniranju administrativnih troškova kod pokretanja poslovnih ideja i registraciji poslovnih subjekata.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu podsticajnih sredstava i na oficijelnoj web stranici Kantona.

**Organizacija – primalac:** Novoregistrirani privredni subjekt

**Kriteriji:** Uputstvo o postupku i kriterijima – prema Javnom pozivu i Odlukama Vlade Kantona.

## 4. POTICAJ INVESTICIJA I IZVOZNO ORJENTIRANIH AKTIVNOSTI

**UKUPAN IZNOS: 600.000,00 KM**

**Indikatori:** Razina izvoza; odnos izvoza i uvoza; broj izvozno orjentiranih preduzeća; stepen rasta izvoza i investicija.

**Nosilac:** Sektor za industriju, energetiku i rudarstvo i Sektor za neproizvodne djelatnosti, razvoj i obrt

### ***4.1. Subvencioniranje uvođenja međunarodnih standarda za upravljanje kvalitetom i dijela marketinških troškova za proizvode nagrađene na sajamskim manifestacijama***

**Iznos: 100.000,00 KM**

#### **Svrha:**

Privreda Zeničko-dobojskog kantona ima dugu i uspješnu tradiciju u izvozu proizvoda i usluga na evropsko i svjetsko tržište. Ulaskom Hrvatske u EU, izvoznici će biti suočeni sa velikim problemima. Ovo je posebno došlo do izražaja nakon stupanja na snagu SSP-a.

Posljednjih dvadeset godina došlo je do značajnih promjena uslova u poslovanju sa ino-partnerima. Globalizacija i donošenje međunarodnih standarda, te ratne štete, bitno su zaustavile razvoj bh-izvoznika. Na ovaj način njihova konkurentna pozicija je znatno oslabljena.

Dosezanje izgubljenih pozicija predstavlja vrlo važan zadatak svih subjekata zajednice. Stoga se Vlada Kantona opredjelila za poticanje uvođenja međunarodnih standarda za upravljanje kvalitetom, kao jednog od uticajnih faktora bržeg pristupa ino-tržištu. U tom smislu bit će podržano uvođenje međunarodnih standarda kao što su HALAL, HASAP i FSC i drugih, te standarda za certifikaciju proizvoda - CE.

Pored subvencioniranja uvođenja međunarodnih standarda za upravljanje kvalitetom, ovim programom će biti realizirano jednokratno finansiranje administrativnih troškova ispitivanja proizvoda koji na domaćim i ino-sajmovima dobiju neku od medalja za kvalitet (zlatnu, srebrnu ili bronzanu).

Kriteriji i procedure za prihvatanje određenog projekta investitora detaljno su obrađeni u Uputstvu o postupku i kriterijima za odobravanje i dodjelu (refundaciju) sredstava poticaja i dijela marketinških troškova za proizvode nagrađene na sajamskim manifestacijama.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu podsticajnih sredstava i na oficijelnoj web stranici Kantona.

Relevantni propisi na kojima se zasniva ovaj poticaj:

- Zaključak o davanju saglasnosti na Uputstvo o postupku i kriterijima za odobravanje i dodjelu (refundaciju) sredstava podsticaja namjenjenih subvencioniranju uvođenja međunarodnih standarda za upravljanje kvalitetom i dijela marketinških troškova za proizvode nagrađene na sajamskim manifestacijama,
- Pojedinačne Odluke Vlade Kantona o dodjeli poticaja svakom korisniku pojedinačno.

**Organizacija – primalac:** Privredni subjekt

**Kriteriji:** Uputstvo o postupku i kriterijima – prema Javnom pozivu i Odlukama Vlade Kantona.

### ***4.2. Subvencioniranje troškova jačanja konkurentnosti***

**Iznos: 400.000,00 KM**

#### **Svrha:**

Cilj ovog poticaja je smanjenje troškova izvoza, a samim tim povećanje konkurentnosti, zapošljavanja i razvoja privrednih subjekata iz Zeničko-dobojskog kantona.

Korisnici ovog poticaja, u duhu ovog programa bit će privredni subjekti registrovani iz područja prerađivačkih djelatnosti A-B-C i D- Standardne klasifikacije djelatnosti, registrovani u Zeničko-dobojskom kantonu.



Vlada Kantona će iz budžetskih sredstava subvencionirati (refundirati) dio troškova za jačanje konkurentnosti za privredne subjekte koji svojom djelatnošću obezbjeđuju izvoz do 50% ukupnog prihoda iz prethodne godine. Privrednom subjektu će se odobravati troškovi za jačanje konkurentnosti u iznosu od 3% fakturisanog izvoza, izuzimajući velike privredne subjekte. Kriteriji i procedura za prihvatanje određenog projekta investitora detaljno su obrađeni u Uputstvu o postupku i kriterijima za odobravanje i dodjelu (refundaciju) sredstava poticaja namjenjenih za subvencioniranje troškova jačanja konkurentnosti.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu podsticajnih sredstava i na oficijelnoj web stranici Kantona.

**Organizacija – primalac:** Privredni subjekti

**Kriteriji:** Uputstvo o postupku i kriterijima – prema Javnom pozivu i Odlukama Vlade Kantona.

#### **4.3. Subvencioniranje - regresiranje kamata na investicijske kredite**

**Iznos: 100.000,00,00 KM**

##### **Svrha:**

U cilju intenziviranja investicija u oblasti proizvodnih djelatnosti, a samim tim zapošljavanja i razvoja, Vlada Kantona će, radi rasterećenja i podrške investitoru u početnim fazama realizacije investicija, regresirati dio uplaćenih kamata na odobrene investicijske kredite privrednim subjektima registriranim u Zeničko – dobojskom kantonu, ukoliko svoju investiciju realiziraju u Zeničko - dobojskom kantonu na temelju kredita, odobrenog od strane bilo koje od komercijalnih banaka registriranih u Bosni i Hercegovini.

Pod proizvodnom investicijom, u duhu ovog poticaja, podrazumjeva se isključivo:

- kupovina, izgradnja, uređenje i proširenje objekata za obavljanje registrovane proizvodne djelatnosti iz područja D (ili C po novom) – Prerađivačka industrija i područja utvrđene Standardnom klasifikacijom djelatnosti,
- kupovina sredstava za rad, opreme ili pojedinih dijelova opreme, kojom se obezbjeđuju uslovi za obavljanje registrovane proizvodne djelatnosti iz područja D (ili C po novom) – Prerađivačka industrija (Standardna klasifikacija djelatnosti),
- obezbjeđenje osnovnih sredstava, za obavljanje registrovane proizvodne djelatnosti iz područja D (ili C po novom) – Prerađivačka industrija i područja (Standardna klasifikacija djelatnosti), realizacijom lizing aranžmana.

Kriteriji i procedura za prihvatanje određenog projekta investitora detaljno su obrađeni u Uputstvu o postupku i kriterijima za odobravanje i dodjelu (refundaciju) sredstava poticaja namjenjenih regresiranju kamata na investicijske kredite, na koje Vlada Kantona daje saglasnost.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu podsticajnih sredstava i na oficijelnoj web stranici Kantona.

**Organizacija – primalac:** Privredni subjekti

**Kriteriji:** Uputstvo o postupku i kriterijima – prema Javnom pozivu i Odlukama Vlade Kantona.

#### **5. PODIZANJE KVALITETA TURISTIČKE PONUDE**

**UKUPAN IZNOS: 200.000,00KM**

**Indikatori:** Brošure, posjete WEB stranici, broj posjetilaca, broj prezentacija na sajmovima, broj kreiranih marketinških alata i kampanja.

**Nosilac:** Sektor za neproizvodne djelatnosti, razvoj i obrt.

### **5.1. Subvencioniranje projekata izgradnje i obnove javne turističke infrastrukture**

**Iznos: 150.000,00 KM**

#### **Svrha:**

U cilju unapređenja turističke ponude Kantona, te intenziviranje razvoja turističke infrastrukture, a samim tim i uticaja na zapošljavanje i razvoj Zeničko-dobojskog kantona, Vlada Kantona će subvencionirati dio troškova realizacije projekata koje realizuju općine Turistička zajednica i nevladine organizacije, kao što su priprema i organizacija obnove i/ili izgradnje objekata javne turističke infrastrukture:

- kupališta i plaže na rijekama i jezerima,
- turistički informativni centri,
- odmorišta pored puteva,
- otvoreni objekti sportske rekreacije,
- male vještačke akumulacije sa kupalištem,
- zabavno rekreativne staze i puteve (trim staze, staze zdravlja, vidikovci, panoramski putevi, biciklističke staze, pješačke staze, pristupne puteve do turističkih odredišta i slično),
- objekti za posmatranje prirodnih rijetkosti,
- objekti za predah i kraće zadržavanje turista, i drugo.

Pravo na dodjelu sredstava poticaja za realizaciju projekata imaju općine, i udruženja registrovana na kantonalnom nivou prema Zakonu o udruženjima i fondacijama ("Službene novine Federacije BiH", broj: 45/02), čije dominantne aktivnosti su vezane za djelatnosti privrede i turizama.

Kriteriji i procedura za prihvatanje određenog projekta investitora detaljno su obrađeni u Uputstvu o postupku i kriterijima za odobravanje i dodjelu sredstava poticaja, namjenjenih subvencioniranju izgradnje i obnove javne turističke infrastrukture.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu podsticajnih sredstava i na oficijelnoj web stranici Kantona.

**Organizacija-primalac:** Općine, Mjesne zajednice i Udruženja

**Kriteriji:** Uputstvo o postupku i kriterijima – prema Javnom pozivu i Odlukama Vlade Kantona.

### **5.2. Subvencioniranje povećanja iskorištenja kapaciteta u ugostiteljskim objektima za smještaj i seoskom turizmu**

**Iznos: 50.000,00 KM**

#### **Svrha:**

U cilju povećanja stepena iskorištenja smještajnih kapaciteta u ugostiteljskim objektima za smještaj, kao i zbog niza drugih sinergetskih efekata, Vlada Kantona će ugostiteljima koji pružaju ugostiteljske usluge u ugostiteljskom objektu za smještaj iz skupine "druge vrste objekata za smještaj", "ugostiteljske usluge u domaćinstvu" i "ugostiteljski objekti u seoskom domaćinstvu" i podsticanje turizma u seoskim domaćinstvima (etno-sela i sl.), na području Zeničko - dobojskog kantona, subvencionirati dio troškova za smještaj i boravak turistima na području Zeničko-dobojskog kantona, počev od 01.01.2017. godine.

Pored subvencioniranja stepena iskorištenja smještajnih kapaciteta u ugostiteljskim objektima za smještaj, ovim programom će biti realiziran i jednokratni poticaj za registrovana i kategorisana seoska domaćinstva, te etno sela i agro-turističke destinacije.

Kriteriji i procedura za prihvatanje određenog projekta investitora detaljno su obrađeni u Uputstvu o postupku i kriterijima za odobravanje i dodjelu sredstava podsticaja namjenjenih subvencioniranju povećanja iskorištavanja kapaciteta u ugostiteljskim objektima iz skupine "druge vrste objekata za smještaj", "ugostiteljske usluge u domaćinstvu" i "ugostiteljski objekti u seoskom domaćinstvu" i podsticanje turizma u seoskim domaćinstvima (etno-sela i sl.), na području Zeničko - dobojskog kantona.

Radi obavještanja korisnika o mogućnostima dobivanja sredstava poticaja odluka se objavljuje u sredstvima javnog informiranja u formi javnog poziva za dodjelu podsticajnih sredstava i na oficijelnoj web stranici Kantona.

**Organizacija – primalac:** Privredni subjekti iz Zeničko-dobojskog kantona (pravna i fizička lica) registrovani za obavljanje djelatnosti smještaja i pružanja ugostiteljskih usluga turistima/posjetiocima.

**Kriterij:** : Uputstvo o postupku i kriterijima – prema Javnom pozivu i Odlukama Vlade Kantona.

## **6. SUFINANSIRANJE PROJEKATA FINANSIRANIH IZ MEĐUNARODNIH FONDOVA**

**UKUPAN IZNOS: 50.000,00 KM**

**Indikatori:** Broj međunarodnih projekata; iznos realiziranih sredstava iz međunarodnih fondova.

**Nosilac:** Sektor za industriju, energetiku i rudarstvo i Sektor za neproizvodne djelatnosti, razvoj i obrt

### **Svrha:**

Postupak EU integracija u posljednja vrijeme sve je prisutniji u Bosni i Hercegovini, pa i Zeničko-dobojskom kantonu. Mnogi subjekti koriste mogućnost obezbjeđenje finansijskih sredstava za realizaciju projekata iz međunarodnih finansijskih organizacija.

U ovim aktivnostima najčešće se traži participacija lokalne zajednice, a završava se sufinansiranjem.

Vlada Kantona donijet će Odluku o obavezi planiranja finansijskih sredstva za sufinansiranje projekata odobrenih od međunarodnih institucija.

Ministarstvo za privredu će podržati takve projekte iz svoje nadležnosti.

**Organizacija – primalac:** Partnerska organizacija

**Kriterij:** Odluka Vlade Kantona

## **7. REZERVA**

**UKUPAN IZNOS: 40.000,00 KM**

### **Svrha:**

U slučaju da se pojave projekti koji nisu navedeni u prethodnom dijelu Programa utroška, prema odluci Vlade Kantona biti će finansirani iz ovih sredstava.

**Organizacija – primalac:** Korisnici po zahtjevu

**Kriterij:** Odluka Vlade Kantona

**REKAPITULACIJA**

| <b>Rb.</b>     | <b>NAZIV PROGRAMA</b>                                                                                                                                                | <b>Iznos sredstava /KM/</b> |
|----------------|----------------------------------------------------------------------------------------------------------------------------------------------------------------------|-----------------------------|
| <b>1.</b>      | <b>RAZVIJANJE POSLOVNO-PREDUZETNIČKE INFRASTRUKTURE</b>                                                                                                              | <b>20.000,00</b>            |
| <b>2.</b>      | <b>PROMOCIJA PODUZETNIŠTVA I PODUZETNIČKE KULTURE</b>                                                                                                                | <b>110.000,00</b>           |
| 2.1.           | <i>Program finansiranja manifestacija, izdavačkih projekata i edukacije</i>                                                                                          | 10.000,00                   |
| 2.2.           | <i>Podrška poduzetništvu za promociju i nastupe na sajmovima</i>                                                                                                     | 40.000,00                   |
| 2.3.           | <i>Program afirmacije domaće proizvodnje, kupoprodaje i turizma</i>                                                                                                  | 10.000,00                   |
| 2.4.           | <i>Subvencioniranje projekata komora i udruženja iz područja privrede</i>                                                                                            | 50.000,00                   |
| <b>3.</b>      | <b>SISTEM POTICAJA ZA START-UP BIZNISE</b>                                                                                                                           | <b>360.000,00</b>           |
| 3.1.           | <i>Subvencioniranje administrativnih troškova kod izgradnje proizvodnih objekata</i>                                                                                 | 250.000,00                  |
| 3.2.           | <i>Subvencioniranje troškova realizacije patenta inovatora sa područja Zeničko-dobojskog kantona</i>                                                                 | 10.000,00                   |
| 3.3.           | <i>Subvencioniranje administrativnih troškova i investicija kod obrta</i>                                                                                            | 50.000,00                   |
| 3.4.           | <i>Subvencioniranje administrativnih troškova kod pokretanja poslovnih ideja i registracije privrednih subjekata</i>                                                 | 50.000,00                   |
| <b>4.</b>      | <b>POTICAJ INVEST. IZVOZNO ORJENTIRANIH AKTIVNOSTI I INVESTICIJA</b>                                                                                                 | <b>600.000,00</b>           |
| 4.1.           | <i>Subvencioniranje uvođenja međunarodnih standarda za upravljanje kvalitetom i dijela marketinških troškova za proizvode nagrađene na sajamskim manifestacijama</i> | 100.000,00                  |
| 4.2.           | <i>Subvencioniranje troškova jačanja konkurentnosti</i>                                                                                                              | 400.000,00                  |
| 4.3.           | <i>Subvencioniranje - regresiranje kamata na investicijske kredite</i>                                                                                               | 100.000,00                  |
| <b>5.</b>      | <b>PODIZANJE KVALITETA TURISTIČKE PONUDE</b>                                                                                                                         | <b>200.000,00</b>           |
| 5.1.           | <i>Subvencioniranje izgradnje i obnove javne turističke infrastrukture</i>                                                                                           | 150.000,00                  |
| 5.2.           | <i>Subvencioniranje povećanja iskorištenja kapaciteta u ugostiteljskim objektima za smještaj i seoskom turizmu</i>                                                   | 50.000,00                   |
| <b>6.</b>      | <b>SUFINANSIRANJE PROJEKATA FINANSIRANIH IZ MEĐUNARODNIH FONDOVA</b>                                                                                                 | <b>50.000,00</b>            |
| <b>7.</b>      | <b>REZERVA</b>                                                                                                                                                       | <b>40.000,00</b>            |
| <b>UKUPNO:</b> |                                                                                                                                                                      | <b>1.380.000,00</b>         |

Dakle, Ministarstvo je planiralo realizaciju više projekata u 2017. godini. Njihov karakter je specifičan i svi se realiziraju po javnim pozivima.

Imajući u vidu činjenicu da će realizacija zavisiti od prijavljivanja potencijalnih korisnika, odnosno njihovog interesa, planirana sredstva se mogu prelijevati iz projekta u projekt.

Broj: 02-\_\_\_\_\_/17.  
Datum, 15.08.2017. godine  
Z e n i c a

**P R E M I J E R**  
  
*Miralem Galijašević*